

SCRIPT OF EVENING GOJRI NEWS BULLETIN 12FEB 2026

1700HRS

اوننگ گوجری نیوز بولیٹن 12 فروری 2026

یوہ آکاشوانی جموں بے محمد آصف تے نصرت تیں خبر سنو۔

HEADLINES

۱۔ جموں کشمیر مانہہ گزشتہ 2 سال مانہہ 1 لکھ 60 ہزار لوکاں گو ای۔پی۔ایف۔او نال اندراج کیو گیو بے۔ کرڈیٹ گرنٹی سکیم غے تحت 3 لکھ 50 ہزار لوکاں نانہہ 4390 کروڑ روپیہ قرضہ گا طور ور فراہم کیا گیا ہیں۔

۲۔ تعلیم بارے محکمہ غی وزیر سکینہ اتو نے کہیو جے اس سال گو بجٹ دور دراز غا علاقوں مانہہ عوامی خدمات مہیا کران مانہہ مدد گار ثابت وے گو۔

۳۔ تعلیم بارے مرکزی وزیر درمیندر پردھان نے مصنوعی ذہانت ناں بھارت گا تعلیمی نظام مانہہ اپنا یا جان غی ضرورت ور زور دتو۔

۴۔ آئی۔سی۔سی، ٹی ٹوٹی عالمی کپ 2026 مانہہ بھارت اج شام نوی دلی غا ارون جیٹلی سٹیڈیم مانہہ نامیبیا تیں مقابلو کرے غی۔

RS J&K

محنت تے روز گار بارے محکمہ غی مرکزی وزیر مملکت شوبا کرن دلانے نے کہی و بے کہ گزشتہ 2 سالوں مانہہ جموں کشمیر گا کوئے 1 لکھ 60 ہزار غے قریب لوکاں نانہہ روز گار غے متعلق فنڈز بارے تنظیم مانہہ درج کیو گیو بے اج راجیہ سبھا مانہہ وقفہ سوالات غے دوران جموں کشمیر مانہہ بے روز گاری غا معاملہ ور بولتاں واں اُن نے کہی و جے حکومت نے جموں کشمیر غا بے روز فار نوجواناں ناں باندے لیا غے روز گار دین غی خاطر متی ساری سکیم شروع کی ہیں۔ وزیر موصوفہ نے کہیو جے 8 لکھ 20 ہزار غے قریب یونٹاں غو اودھمپور پورٹل ور اندراج کیو گیو بے۔ جس غی مدد نال 32 لکھ لوکاں ناں روز گار فراہم کیو جے غو اُن نے ایوان مانہہ یاہ وی جانکاری دتی ہے جے ملک مانہہ روز گار پیدا کرن غی خاطر 12 لکھ کروڑ روپیہ غو قرضو فراہم کیو گیو بے محترمہ کرن دلانے نے ایوان مانہہ بولتاں واں یاہ وی جانکاری دتی ہے جے کرڈیٹ گرنٹی سکیم غے تحت جموں کشمیر غا بے روز گار نوجواناں ناں 4 ہزار 390 کروڑ روپیاں غی رقم قرضہ گا طور ور فراہم کی گئی ہے۔

BUDGET ANN

صحت تے طبی تعلیم غی وزیر سکینہ اتو نے کہیو بے جے وزیر اعلیٰ عمر عبداللہ نے مالی سال 2026-27 غی اپنی بجٹ تقریر مانہہ دور دراز غا علاقوں مانہہ تعینات بکھ بکھ محکمہ گا ملازمین غی خاطر اضافی رقم دتا جان غو تاریخی اعلان کیو بے وزیر موصوفہ نے اس سوال گو جواب ممبر اسمبلی جاوید احمد مرچل غی طرفوں ایوان مانہہ پوچھا گیا اکن سوال گا جوان مانہہ دتو ہے اُن نے کہیو جے حکومت غی طرفوں چایا گیا ان قدم نال صحت سمیت سوچا سیکرٹری مانہہ عوامی خدمات مہیا کران مانہہ متی مدد لبے غی وزیر موصوفہ نے ایوان نانہہ یاہ وی

جانکاری دتی ہے جے حکومت نے حال ہی مانہ میڈیکل افسران غی نوی پرتھی
غے متعلق آسامیاں ناں پُر کرن واسطے 480 آسامی جموں کشمیر پبلک سروس
کمیشن ناں ٹوری ہیں جن غی عمل آوری نال دور دراز گا علاقان مانہ عملہ غی
کمی ناں پورو کیو جے غو۔

NEWS TOURISM AREAS

زراعت بارے محکمہ گا وزیر جاوید احمد ڈار نے اج ایوان نانہ جانکاری دیتا
واں دسیو ہے جے حکومت جموں کشمیر مانہ نوا سیاحتی علاقہ غی شناخت کرن
بارے کم کررئی ہے جس مانہ بنی اسمبلی حلقہ غو بنی قصبو لوونگ سرتھال
سمیت دوجی منی پڑ منی جگہ شامل ہیں وزیر موصوف نے اس سوال غو جوان
ممبر اسمبلی بنی ڈاکٹر رمیشور سنگھ غی طرفوں پوچھیا گیا اکن سوال غا جواب
مانہ دتی، جناب ڈار نے ایوان نانہ یاه وی جانکاری دتی ہے جے حیاتی
مقامات نانہ مزید بعاو دین غی خاطر کم کیو جے گوتاں جے سیلانیاں نانہ اس
پاسے راغب کیو جاسکے۔

FLOOD TAWI

جل شکتی غا وزیر جاوید احمد رانا نے اسمبلی نانہ دسیو کہ دریائے توی ور
سیلاب تیں بچاؤ تے تحفظ غو کم ہر سال منظور شدہ منصوبہ غے تحت کیو جے۔
یوہ کم یوٹی کپیکس تے ناپارڈ غے تھت دریا غی دیکھ بھال تے حفاظتی باندھ
نانہ مضبوط بنان واسطے کیو جارہیو ہے۔ وزیر نے یاه گل اج اسمبلی مانہ، رکن
اسبلی سریندر کمار غا سوال غا جواب مانہ کہی۔ انہاں نے دسیو کہ سیلاب تیں
بچاؤ غا کئی منصوباں شروع کیا گیا ہیں، جن وچوں 6 مکمل ہو چکا ہیں جد
کہ 5 دوجا بکھ بکھ مراحل مانہ ہیں۔

ARMY MEDICAL

بھارتی فوج نے اج پرتیم سٹیڈیم پونچھ مانہ سبقدوش فوجیاں گی کاظر اک طبی
کیمپ غو انعقاد کیو اس کیمپ مانہ ضلع پونچھ تے اس نال جڑیا دوجا علاقان گا
متا سارا سبقدوش فوجیاں تے اُن غا کُنباں نے شمولیت کی کیمپ غے دوران
فوج غا قابل ترین ڈاکٹراں نے سبقدوش دوجیاں گو طبی معائینو کیو اس موقع ور
اُن نانہ مفت دوائیاں وی تقسیم کی گئی نالے سبقدوش فوجیاں نانہ صحت غے
متعلق دیکھ بال کرن غی خاطر فوج گا ڈاکٹراں نے اُن نانہ مزید صلاح دتی ہے۔

MOCK DRILL KATHUA

حفاظتی دستاں نے لکھن پور غے قریب ریلوے رستہ ور ہنگامی حالات تیں نمژن
غی تیاری تے باہمی تال میل نانہ جانچن واسطے ایک فرضی مشن کی۔ اس مشق
گو مقصد فوری کاروائی غا نظام نانہ مضبوط بنانو تے مسافراں تے ریلوے عملہ
غی حفاظت نانہ یقینی بنانو ہے۔ ڈی ایس پی، مسکان نے کہیو کہ ایسی مشق
حساس علاقان مانہ نگرانی تے چوکس رہن واسطے معمول غا حفاظتی اقدامات
غو حصو ہے۔ اس مشق مانہ ممکنہ خطرات غی فرضی صورتحال بنا غے اہلکاراں

غی تیاری غو جائیزو لیو گیو۔ اس بارے گل کرتا واں اُنہاں نے مزید اس طرح
کہیو۔۔۔۔۔

Announcement

آکاشوانی جموں غو علاقائی خیراں آلو شعبو پلک دوپہر 12 بجے عالمی ریڈیو تیہاڑا
غا موقع ور 25 غی مدت غو اک خصوصی گل با تی پروگرام نشر کرے گو۔ جس غو
موضوع وے گو " ریڈیو تے مصنوعی ذہانت"۔ اس خصوصی گل با تی پروگرام مانہ
مہارا خصوصی مہمان وین گا سینئر براڈکاسٹر تے آل انڈیا ریڈیو غا سابق سٹیشن
ڈائریکٹر شمیندر کمار، جہیڑا اس موضوع ور اپنا ماہرانہ خیالات ساجھا کریں گا۔ پروگرام
غی میزبانی مہارا اینکر جگموہن شرما۔

EDUCATION AI

تعلیم بارے محکمہ گا مرکزی وزیر درمیندر پردھان غو کہنو ہے جے حکومت
تعلیمی سیکٹر مانہ مصنوعی ذہانت نانہ مزید بعدو دین غی خاطر کم کرنی
ہے قومی راجدانی دہلی مانہ بھارت پورھان اجلاس 2026 نال خطاب کرتا واں اُن
نے کہی و جے مصنوعی ذہانت نانہ مضبوط طریقہ نال تیجی جماعت تیں جدید
تحقیقی سطح ور شروع کیو جے غو۔ جناب پردھان نے یوہ وی کہیو جے
مصنوعی ذہانت ناں چھڑو کسے اکن کتاب غا طور ور نی بلکہ نوی ایجاد تے
مواصلاتی حکمت عملی غا طور ور بھارت غا تعلیمی سیکٹر مانہ عمالیو جے گو۔

CBSE

سی۔بی۔ایس۔سی نے اعلان کیو کہ اس سال تیں 12 وین جماعت غی کاپیاں غی
جانچ اُن سکرین غے ذریعے کی جے غی تے 10 وین جماعت غی کاپی پہلاں غی
طرح کاغزی طریقہ سنگ وے غی۔ سی۔بی۔ایس۔سی غا امتحان کنٹرولر سیم
بھردواج نے کہیو کہ اس طریقہ تیں کم مانہ تیزی تے شفافیت آوے غی۔ بورڈ
نے اس سال تیں 10 وین جماعت واسطے دوجا بورڈ امتحان وی شروع کرن غو
اعلان کیو ہے یوہ امتحان اُن طلبہ واسطے وے غو، جہیڑا اپنا نمبر بہتر کرنو
چاویں۔ بورڈ نے دسیو کہ امتحانات غا طریقہ کار تے اُن سکرین مارکنگ غی
ہدایت سمجھان واسطے پلک سویرے 11 بجے، براہ راست نشریات منعقد کی جے
غی۔

DRUG RAMBAN

معاشرہ مانہ منشیات غا بدھتاوا استعمال غے باعث، ادویات غی نگرانی غا
محکمہ رام بن نے پریگابالن دوا غی فروخت ور سخت پابندی عائد کردتی ہے۔
بُن یاہ دوا صرف اندراج شدہ ڈاکٹر غی درست دتی گئی پر چی، ور ہی فروخت
کی جے غی۔ محکمہ نے طبی دکاناں تے اسپتال غی فارمیسیاں نانہ سخت ہدایت

دتی ہے کہ پریکابلن بغیر کسی ڈاکٹر غی ہدایت غے نہ فروخت کی جے۔ طبی دکاناں مانہ دوا غی فروخت غو مکمل ریکارڈ رکھنو وے غو، جس مانہ تاریخ، ڈاکٹر غو ناں تے پتو، نالے مریض غو ناں تے پتو، تے دوا غی مقدار درج وے۔ ڈاکٹر غی دتی گئی پرچی وں اندراج غو سیل نمبر وی لکھنو ضروری ہے۔ اس بارے گل کرتا وں رام بن تیں اسٹینٹ ڈرگ کنٹرول لڑ، سنجیو کمار گپتا نے اس طرح کہیو۔۔۔۔۔

NASHA UKT MELA

محکمہ سماجی بہبود نے پونچھ غا چندک علاقہ مانہ ایک روزہ نشہ مکت کھٹ میلہ گو انعقاد کیو، جس مانہ ضلع گا بکھ بکھ علاقوں تیں متی تعداد مانہ کھیڈاریاں نے حصولیو۔ اس بڑا کھیڈ غا پروگرام غو افتتاح ڈپٹی کمشنر پونچھ اشوک کمار شرما نے کیو، جنہاں نے صحت مند تے نشہ تیں پاک معاشرہ بنان مانہ کھیڈاں غی اہمیت وں زور پایو۔ اس میلہ مانہ والی بال، کنڈی، ٹگ آف وار تے دیگر کھیڈاں غا مقابلہ شامل تھا، جن مانہ بڑی تعداد مانہ لوکاں نے شرکت کی۔ میلہ مانہ کھیڈاریاں نے اپنی صلاحیت تے کھیڈ غو بہترین مظاہرہ کیو۔ اس بارے مزید گل کرتا وں ڈی۔سی پونچھ، اشوک کمار شرما نے اس طرح کہیو۔۔۔۔۔

SBI STUDY

سٹیٹ بینک آف انڈیا غی جانچ رپوٹ غے مطابق، امریکہ غے نال تجارتی معاہدہ تیں بعد بھارت مانہ امریکہ غے نال تجارتی فاندو سالانہ 90 ارب ڈالر تیں زیادہ وے غو، جس مانہ کم از کم 45 ارب ڈالر غو اضافی فاندو شامل وے غو۔ رپوٹ مانہ کہیو گیو ہے کہ امریکہ غے نال یوہ تجارتی معاہدو، یورپی یونین تے برطانیہ غے نال دیگر معاہداں تیں، بھارت مانہ ایک مضبوطی تے اہم عالمی مرتبولبے غو، جس سنگ ملک تے اس غا بدآمد کنندگان مانہ مچ فاندو وے غو۔ ابتدائی اندازہ غے مطابق، بھارت غا تاجر ایک سال مانہ امریکہ مانہ 15 بڑی اشیاء غی فروخت تقریباً 97 ارب ڈالر توڑی بدھا سکیں تے اگر باقی چیز وی شامل کرلی جیں تاں یاہ رقم 100 ارب ڈالر تیں وی زیادہ ہو سکے۔

CRICKET

آئی۔سی۔سی، ٹی ٹوئنٹی عالمی کپ 2026 مانہ بھارت اج شام نوی دلی غا ارون جیٹلی سٹیڈیم مانہ نامیبیا تیں مقابلو کرے غی۔ سوریہ کمار یادو غی قیادت مانہ بھارت نے اپنو پہلو مقابلو، امریکہ تیں جیتیو تھو۔ جدکہ نامیبیا مانہ نیدرلینڈ تیں شکست حاصل ہوئی تھی۔ دوئے ٹیمان غو آخری مقابلو 2021 مانہ ہو و تھو، جس مانہ بھارت کامیاب رہیو تھو۔
